



ISO 45001



Zdravlje i bezbjednost na radu

ISO 45001

Zdravlje i bezbjednost na radnom mjestu problem su broj jedan za većinu preduzeća i uprkos svim naporima i dalje dolazi do smrtnih slučajeva i povreda. Standard ISO 45001 utvrđuje minimalni standard prakse da bi zaštitio zaposlene širom svijeta.



Prema Međunarodnoj organizaciji rada (International Labour Organization - ILO), trenutno godišnje imamo više od 2,78 miliona smrtnih slučajeva koji su nastali kao posljedica nesreća na radu ili bolesti povezanih s radom, pored 374 miliona nesmrtonosnih povreda i bolesti. Osim što je to imalo ogroman utjecaj na porodice i zajednice, također je dovelo do značajnog povećanja troškova za preduzeća i ekonomiju.

Standard ISO 45001, Sistemi upravljanja zdravljem i bezbjednošću na radu – Zahtjevi s uputstvom za korištenje, prvi je svjetski međunarodni standard za zdravlje i bezbjednost na radu (Occupational Health and Safety - OH&S). On pruža okvir za povećanje sigurnosti, smanjenje rizika na radnom mjestu i poboljšanje zdravlja i blagostanja na poslu, što omogućava organizaciji da proaktivno poboljša svoje performanse u oblasti OH&S-a.

Kome je namijenjen standard **ISO 45001?**

Standard ISO 45001 primjenjuje se na sve organizacije, bez obzira na njihovu veličinu, sektor ili prirodu poslovanja. Dizajniran je da se integriše u postojeće procese upravljanja u organizaciji i prati istu strukturu visokog nivoa, kao i ostali ISO-ovi standardi za sisteme upravljanja, kao što su standard ISO 9001 (upravljanje kvalitetom) i standard ISO 14001 (upravljanje zaštitom životne sredine).

Koje će **prednosti** moj posao imati od ovog standarda?

Standard ISO 45001 omogućava organizacijama da uspostave sistem upravljanja za zdravlje i sigurnost na radu (OH&S) koji će im pomoći da upravljaju svojim OH&S rizicima i poboljšaju svoje OH&S performanse razvijanjem i provođenjem efektivnih politika i ciljeva.

Ključne potencijalne koristi od upotrebe standarda uključuju:

- Smanjenje broja incidenata na radnom mjestu
- Smanjenje broja izostanaka i fluktuacije osoblja, što dovodi do povećanja produktivnosti
- Smanjenje troškova premija osiguranja
- Uspostavljanje kulture vezane za zdravlje i sigurnost na radu, pri čemu se zaposleni podstiču da aktivno učestvuju u vlastitom OH&S-u
- Ojačanu predanost vodstva ka proaktivnom poboljšanju OH&S performansi
- Sposobnost ispunjavanja pravnih i regulatornih zahtjeva
- Poboljšanje reputacije
- Poboljšanje radnog morala osoblja



Kako se ovaj **standard** razlikuje od drugih OH&S standarda?

Standard ISO 45001 razvijen je uzimajući u obzir i imajući u vidu druge povezane standarde, kao što su standard OHSAS 18001, Sistem upravljanja zaštitom zdravlja i bezbjednošću na radu, Smjernice ILO-OHS 2001 Međunarodne organizacije rada i različite nacionalne standarde, i u skladu je s ILO-ovim konvencijama i međunarodnim standardima za rad.

Razvijen po ISO sistemu, uz doprinos stručnjaka iz više od 70 zemalja, standard pruža međunarodni okvir koji uzima u obzir interakciju između organizacije i njenog poslovnog okruženja.

Standard ISO 45001 usvaja pristup zasnovan na riziku koji osigurava njegovu efikasnost i podvrgnut je stalnom poboljšanju kako bi zadovoljio kontekst organizacije koji se stalno mijenja.

Mogu li ja **integrисати** standard ISO 45001 u svoj postojeći sistem upravljanja?

Standard ISO 45001 ima strukturu visokog nivoa (High Level Structure -HLS), identičan osnovni tekst i termine i definicije kao i drugi nedavno revidirani ISO-ovi standardi za sisteme upravljanja - poput standarda ISO 9001:2015 i ISO 14001:2015.

Ovaj okvir dizajniran je da olakša integraciju novih pitanja vezanih za upravljanje u već uspostavljene sisteme upravljanja u organizaciji. Pored toga, standard ISO 45001 dizajniran je da prilično vjerno slijedi standard ISO 14001, jer je poznato da mnoge organizacije interno kombinuju svoje OH&S funkcije i upravljanje životnom sredinom. Ovo će pojednostaviti integraciju standarda ISO 45001, posebno za one koji su upoznati sa standardom ISO 14001.



Šta je sa **certifikacijom?**

Certifikacija prema standardu ISO 45001 nije zahtjev standarda, ali može biti korisno sredstvo koje će demonstrirati da ispunjavate njegove kriterije. Ako ste već certificirani prema standardu OHSAS 18001, bez obzira na to što je u pitanju totalno drugačiji standard, već posjedujete neke od potrebnih alata i sistema koji su potrebni za implementiranje standarda ISO 45001.

Kako da **počnem**?

Ako razmišljate da počnete primjenjivati standard ISO 45001, evo nekoliko savjeta za početak:

1. Uradite analizu konteksta vaše organizacije koja je relevantna za OH&S (npr. zainteresovane strane), kao i unutrašnjih i vanjskih faktora koji mogu utjecati na vaše poslovanje.
2. Odredite područje primjene sistema, imajući u vidu to šta biste željeli da postigne vaš sistem upravljanja.
3. Odredite svoju OH&S politiku i ciljeve.
4. Definišite vremenski rok u kojem želite implementirati svoj sistem i planirajte kako da ga postignete.
5. Odredite sve nedostatke kompetencija i/ili resursa koje treba riješiti prije nego što možete početi da implementirate standard.

Za više informacija pogledajte poseban dio naše stranice o ISO standardima za sisteme upravljanja (www.iso.org/management-systemstandards) ili kontaktirajte svog nacionalnog člana ISO-a.

Više informacija

ISO web-stranica: www.iso.org


ISOfocus magazin: www.iso.org/isofocus

ISO videa: www.iso.org/youtube

Pratite nas na Twitteru: www.iso.org/twitter

Pridružite nam se na Facebooku: www.iso.org/facebook

Pridružite nam se na Google Plusu: www.iso.org/gplus



O ISO-u

ISO (Međunarodna organizacija za standardizaciju) je nezavisna, nevladina organizacija čije članstvo broji 162* nacionalna tijela za standardizaciju. Preko svojih članova ISO okuplja stručnjake koji razmjenjuju znanja i izrađuju dobrovoljne, tržišno relevantne međunarodne standarde zasnovane na konsenzusu koji podržavaju inovacije i pružaju rješenja za globalne izazove.

ISO je objavio više od 22000* međunarodnih standarda i srodnih dokumenata koji pokrivaju gotovo sve sektore industrijske oblasti, od tehnologije preko sigurnosti hrane, do poljoprivrede i zdravstva.

Za više informacija posjetite:

www.iso.org.

*februar 2018.

Međunarodna organizacija za standardizaciju

Centralni sekretarijat ISO-a
Ch. de Blandonnet 8
Case Postale 401
CH – 1214 Vernier, Ženeva
Švicarska

iso.org

© ISO, 2021
All rights reserved

Image de couverture : Discussion entre membres
lors de la Semaine ISO 2019 (Le Cap, Afrique du Sud)

ISBN 978-92-67-11231-2

